



08. august 2023

UKA 2023/130

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Utoqqalinermi soraarnerussutisiat akileraarutaasarunnaarnissaannut periarfissat pillugit Naalackersuisut nalunaarusioqqullugit peqquneqarnissaannik inatsisartut aalajangiiffigisassaatus siunnersuut.

(Inatsisartuni ilaasortaq Aqqalu C. Jerimiassen, Atassut)

Ukiut tamarluinnaasa utoqqartagut nunatsinni aningaasaqarnermikkut atorsarneruleriartorput, tassanilu qineqqusaarnerit tamarluinnaasa neriorsorneqartuarterput oqarluartaarfigneqartuarterlutillu atukkatik aaqqinneqalersut.

Qaami taava tamanna maanna piviusunngortinniartigu suleqatigiilluta.

2021-imi qineqqusaarnermi erseqqissumik Atassummiit oqariartuutigaarput, utoqqalinermi soraarnerussutisiat akileraarutaaruttariaqartut, malittaaniillu uuma qinigaaffiup aallartisimalaalernerani tamanna partiimit allamissaaq aamma oqartuutigineqarpoq.

Inuussutissarsiutit akilersinnaangitsut kattuffiillu naalackersuinikkut attuumassuteqanngitsutut inissisimasut tapertarsinnaagutsigit napasinnaaqqullugit, aamma utoqqartagut napasinnaaqqullugit assinganik akissaqarfigisinnaasariaqassuagut. Ukumi eqqartukkagut, uattut ilittullu inuupput, uagutsituullu atungarliornissartik kissaatiginngikkaattaaq soorunami nalunngilarput.

Nunarput utoqqaliffigissallugu aarlerigineqartarpoq, aallartartorpassuillu Qallunaat nunaannut nuullutik utoqqaliartortut tusartarneri takornartaanngilluinaarpoq.

Tassa kisimiigunanneqaanga tassani eqqarsaammi inissisimasunga, inuppassuugunarpullumi ajoraluartumik utoqqalinissaminut nunatta qimannissaanut piareersalereernermik eqqarsaasersuuteqarlersimasunik.

Neriorsorneqartuarterput, ila qaatuppungali neriorsorneqartut naalackersuinikkut partiinik siuttuujuartarsimasunit atugaanngooq aaqqikkaluttualeqisut namminneq aquttuulerunik.

Taava maanna tamatta arlaatigut allorassaaqatigiinnissamut suleqatigiinniarta, misissulereerniartigu qanoq ililluta soraarnerussutisiat akileraarutaarunnissaannut aningaasalersorsinnaanissaanullu pilersaaruseriorluta.

Aningaasatigut ingerlatsinikkullu pisortanut kingunerisassai:

Pilersaaruseriamut piffissaq atorineqartussaq ukiup ilivitsup iluaniissinnaanissaa naatsorsuutigineqassaaq. Allaffissornikkullu aningaasartuutissat AC-Fuldmægtigep sulineranut 500.000 kruunit naatsorsuutigineqassallutik.



Namminersortunut aningaasarsiornikkut allaffissornikkullu kingunerisassai:

Soqanngilaq.

Innuttaasunut aningaasarsiornikkut allaffissornikkullu kingunerisassai:

Soqanngilaq.